



# PRESIDÊNCIA DA REPÚBLICA

Servisu Komunikaun Sosiál

## BOLETÍN INFORMATIVU Maiu 2024

### [Mensajen Prezidente Ramos-Horta Ba Loron Internasionál Traballadór 2024](#)

Dili, 1 Maiu 2024, Loron 1 fulan-maiu mak data signifkante ida bainhira ita fó onra no selebra kontribuisaun husi traballadór sira iha mundu tomak. Loron Internasionál Traballadór nian hanesan oportunidade ida ba traballadór sira iha nivel globál atu hamutuk iha solidariedade, ita halibur hamutuk hodi selebra ita-nia rezultadu servisu no rekoñese progresu ne'ebé ita halo hodi hadi'a kondisaun servisu nian.

### [Mensajen Husi Prezidente Ramos-Horta Ba Loron Mundiál Liberdade Imprensa 2024](#)

Dili, 03 Maiu 2024, Povu doben Timor-Leste no sidadaun hotu iha mundu tomak, Iha Loron Mundiál Liberdade Imprensa nian ida ne'e, ha'u hato'o parabéns ba jornalista sira ne'ebé fó naroman ba ameasa urjente ida-ne'ebé hasoru umanidade - krize ambientál. Imprensa ida-ne'ebé livre no independente ne'e esensial tebes atu hasa'e konsiênsia, dirije asaun, no kaer metin lider sira no instituisaun sira ne'ebé responsavel ba asuntu ambientál sira. Tema iha 2024 "Imprensa ba Planeta " ne'e hanesan apelu importante ida ba jornalismo atu foka nia lensa ba degradasaun husi ita-nia natureza mundu nian.

### [Prezidente Ramos-Horta Fó Apoiu Ba Komuidade Vulneravel Sira Iha Atauro](#)

Atauro, 1 Maiu 2024 , Loron 1 fulan-maiu, hanesan Loron Internasionál ba Traballadór sira, Prezidente J. Ramos-Horta nia ekipa husi Servisu Sosiedade Sivil no Asuntu Sosiál, Prezidênsia Repúblika nian fahe sasán esensial sira hanesan Jakét Salva Vida, Manta, Mina Te'in no Foos ba família sira iha suku lima hanesan Beloi, Maquili, Biqueli, Makadade no Maumeta iha illa Atauro.

### [Prezidente Repúblika Inaugura Uma Mahon Ba Filhas Missionária Da Divina Misericórdia Iha Metinaro](#)

Metinaro, 05 maiu 20224, Prezidente J. Ramos-Horta akompaña husi Xefe Casa Civil Prezidênsia Repúblika, inaugura Uma Religioza ida husi Filhas Missionária da Divina Misericórdia, iha Metinaro.

### [Prezidente Ramos-Horta Mobiliza Komuidade Internasionál Hodi Apoiu Labarik Timor-Oan Sira](#)

Palásiu Prezidensiál Nicolau Lobato, 7 Maiu 2024, Prezidente J. Ramos-Horta halibur embaixadór sira-nia kaben iha Palásiu Prezidensiál Nicolau Lobato, hodi ko'alia kona-ba kolaborasaun programa dezvoltamentu ho objetivu atu hadi'a nutrisaun ba labarik sira iha Timor-Leste. Diskusaun ne'e foka liu kona-ba oinsá komuidade internasionál sira bele fó apoiu ba iniciativa "Dapur ba Povu" (kitchen for the People), ne'ebé fornese hahán nutritivu ba labarik sira iha área Palásiu Prezidensiál.

## [Prezidente Afirma Relasaun Besik Ho Brunei Iha Eventu Iha Embaixada](#)

Dili, 7 Maiu 2024. Prezidente J. Ramos-Horta partisipa iha serimónia Resepsaun Eskritóriu Nakloke (Open Office Reception) ne'ebé organiza husi Embaixada Brunei Darussalam iha Timor Plaza ohin, hodi subliña relasaun forte entre Timor-Leste ho Brunei. Iha entrevista, Prezidente Ramos-Horta hateten importánsia hodi respeita no partisipa iha eventu kulturál sira ne'ebé organiza husi embaixada estranjeiru no bainaka sira iha Timor-Leste. Nia hatete: "Se ita-nia bainaka hanesan embaixada sira hala'o serimónia ruma, ita preziza hatudu respeito no hakarak atu partisipa, tan ne'e mak ha'u mai iha ne'e." Prezidente Repúblika rekoñese katak eventu ne'e hanesan parte ida husi selebrasaun relijioza, kulturál no tradisionál ne'ebé nasaun Muslima sira hala'o hafoin Ramadan.

## [Prezidente Timor-Leste Selebra Loron Europa, No Hahi'i Parseria Ho UE](#)

Dili, 9 Maiu 2024. Prezidente J. Ramos-Horta nu'udar konvidadu onra iha resepsaun ida-ne'ebé organiza husi Embaixadór Uniaun Europeia mai Timor-Leste hodi komemora Loron Europeia iha loron 9 fulan-maiu. Eventu informál iha Embaixadór nia rezidénsia ofisiál iha Dili halibur hamutuk membru sira husi korpu diplomátiku no ofisiál governu sira. Iha ninia intervensaun, Prezidente Ramos-Horta fõ omenajen ba Uniaun Europeia nu'udar "modelu kooperasaun boot ida" ne'ebé ajuda ona atu halakon divizaun sira iha kontinente ne'e. Nia hatudu esperansa katak Europa sei nafatin iha unidade, moris-di'ak no forte hodi hasoru dezafiu globál sira.

## [Prezidente Ramos-Horta Kongratula Esforsu Governu Nian Atu Sai Membru ASEAN](#)

Palásiu Prezidensiál Nicolau Lobato, 13 Maiu 2024. Prezidente J. Ramos-Horta hasoru malu ho Vice-Ministra Negosius Estranjeirus no Kooperasaun, Milena Rangel no membru sira husi ekipa "Futuru Lider ba ASEAN" hodi diskute kona-ba Timor-Leste nia progresu hodi tama iha Asosiasaun Nasaun Sudeste Aziatiku (ASEAN).

## [Prezidente Ramos-Horta Partisipa Serimónia Kolleta Hare Iha Vemasse, Rezultadu Husi Tecnologia Agrikultura Foun](#)

Vemasse, 14 Maiu 2024. Prezidente J. Ramos-Horta partisipa iha serimónia Kolleta hare iha Vemasse, ne'ebé organiza husi Kamara Komérsiu no Indústria Timor-Leste (CCITL). Eventu ne'e hatudu teknolojia agríkola foun ne'ebé foin lalais ne'e introdús ho kolaborasaun hamutuk ho autoridade Indonézia.

## [Prezidente Ramos-Horta Kondekora Dewi Fortuna Anwar no Lidera Diskusaun Kona-Ba Seguransa Rejionál iha Timor-Leste](#)

Dili, 16 Maiu 2024. Prezidente no Laureadu Nobel ba Pás, J. Ramos-Horta kondekora medalla Colar Ordem onorífiku Timor-Leste nian ba Profesóra Dewi Fortuna Anwar durante Palestra Prezidensiál Serie II ne'ebé hala'o iha Palásiu Prezidensiál Nicolau Lobato.

## [Prezidente Ramos-Horta Organiza Diskusaun Meza Redonda Kona-Ba Tradisaun Orál, Kultura no Literatura Iha Timor-Leste](#)

Dili, 17 Maiu, 2024. Prezidente no Laureadu Nobel ba Pás, J. Ramos-Horta organiza diskusaun meza redonda ida-ne'ebé hala'o iha Palásiu Prezidensiál Nicolau Lobato. Eventu ne'e ho objetivu atu hasa'e kompriensaun no apresiasaun kle'an liután kona-ba paizajen kulturál oioin iha nasaun ne'e.

### [Prezidente Ramos-Horta Kondekora Personalidade Nasionál no Internasionál ba Sira-Nia Kontribuisaun Mai Timor-Leste](#)

Dili, 19 Maiu, 2024. Iha aniversáriu da-22 ba Timor-Leste nian Loron Restauraun Independénsia iha 20 fulan-maiu, Prezidente no Laureadu Nobel ba Pás, J. Ramos-Horta kondekora orden Timor-Leste nian ba personalidades nasional no internasionál sira hodi fó rekoñesimentu ba sira-nia servisu dedikadu no kontribuisaun ba dezenvolvimentu Timor-Leste.

### [Prezidente Ramos-Horta Simu Suldaun Husi Brunei, Entrega Prémio Timor-Leste Nia Onra Aas Liu](#)

Dili, 20 Maiu 2024. Prezidente J. Ramos-Horta simu ho laran-haksolok Majestade Sultan Haji Hassanal Bolkiah, Suldaun Brunei Darussalam, nu'udar konvidadu espesial ba iha selebrasaun aniversáriu loron Restauraun Independénsia Timor-Leste ba dala 22. Iha serimónia espesial ida iha Palásiu Prezidensial Nicolau Lobato, Prezidente Ramos-Horta fó onra Grande Colar husi orden Timor-Leste ba Suldaun, hanesan onra boot liu husi nasaun. Ida ne'e rekoñese lideransa Suldaun nian no kontribuisaun ba pás no estabilidade rejional hanesan ulun-nain ASEAN nian.

Diskursu Prezidente Repúblika bele hare iha link tuir mai: <https://bit.ly/3USQgJc>

### [Prezidente Ramos-Horta Hala'o Sorumutuk Bilateral Ho Sua Majestade Suldaun Haji Hassanal Bolkiah Husi Brunei](#)

Palásiu Prezidensial Nicolau Lobato, 20 Maiu 2024. Prezidente J. Ramos-Horta ho Sua Majestade Suldaun Hassanal Bolkiah husi Brunei hala'o sorumutuk bilateral ohin, depois serimónia hasa'e bandeira ne'ebé foka liu atu habelar kooperasaun iha setór estratéjiku sira ne'ebé importante tebes ba dezenvolvimentu Timor-Leste nian.

### [Prezidente Repúblika Hahi'i Lideransa Husi Suldaun Brunei Iha Bankete Estadu Durante Vizita Estadu Suldaun Brunei Iha Timor-Leste](#)

Palásiu Prezidensial Nicolau Lobato, 20 Maiu 2024. Iha okaziaun loron Restauraun Independénsia Timor-Leste ba dala 22, Prezidente J. Ramos-Horta organiza Bankete Estadu ida hodi fó onra ba Sua Majestade Sultan Haji Hassanal Bolkiah husi Brunei Darussalam.

### [Xefe Estadu Hasoru Malu Ho Rugby Union Ázia Hodi Ko'alia Kona-Ba Estabelesimentu Rugby Iha Timor-Leste](#)

Palásiu Prezidente Nicolau Lobato, 22 Maiu 2024. Iha mudansa signifkante, Prezidente J. Ramos-Horta hasoru malu ho representante sira husi Asia Rugby iha Palásiu Prezidensial iha loron 22 fulan-maiu hodi diskute kona-ba lori uniaun Rugby mai Timor-Leste. Hafoin enkontru ne'e, Rodney Holt hatete: "Ami lori Rugby Union ba Timor-Leste. Rugby hanesan jogu ne'ebé halimar husi nasaun 130 iha mundu tomak". Nia introdús Qais Abdulah Al Dhala, Xefe Rugby ba Ázia ne'ebé lidera Rugby iha nasaun 45 iha Ázia. Qais

---

deklara katak sira asina Memorandu Entendimentu ida, hodi bolu ida-ne'e nu'udar " momentu istóriku ida" hanesan "fatuk dahuuk hodi hakat ba oin" hodi estabelese Rugby iha Timor-Leste.

### [Prezidente Ramos-Horta Fó Pose Embaixador Foun Ba Malázia No Vietnam](#)

Palásiu Prezidente Nicolau Lobato, 22 Maiu 2024. rezidente J. Ramos-Horta, prezide serimónia pose ba Embaixador foun Timor-Leste nian ba Malázia no Vietnam, iha Palásiu Prezidente Nicolau Lobato.

### [Prezidente Ramos-Horta Hasoru Parseria Ba Jestaun Bee Husi Japaun](#)

Palásiu Prezidente Nicolau Lobato, 23 Maiu 2024. Prezidente J. Ramos-Horta ohin hala'o sorumutu ho representante husi Projetu Bee Carrying Water Project (CWP) Global, asiasaun Japaun nian ida-ne'ebé servisu atu promove kooperasaun entre Japaun no Timor-Leste iha setór bee, ne'ebé parseria ho Kompania Kansei, kompañia fura bee Japaun nian ida.

### [Prezidente Ramos-Horta Simu Karta Kredensiál Husi Embaixador Angola Nian Mai Timor-Leste](#)

Palásiu Prezidente Nicolau Lobato, 23 Maiu 2024. Prezidente J. Ramos-Horta, formalmente simu kredensiál husi José Andrade de Lemos nu'udar Embaixador Estrordináriu no Plenipotensiáriu Repúblika Angola nian mai Repúblika Demokratika Timor-Leste. Serimónia simu kredensiál ne'e hala'o iha Palásiu Prezidente Nicolau Lobato iha Dili.

### [Prezidente Ramos-Horta Hala'o Sorumutu Ho Diplomata Singapura Ne'ebé Importante Loos Antes Diálogo Shangri-La](#)

Singapura, 29 Maiu 2024. Prezidente J. Ramos-Horta Timor-Leste hala'o sorumutu ida iha loraon Kuarta-feira kalan ho Profesor Tommy Koh, Diplomata, Advogadu no Akadémiku Singapura nian antes forum seguransa iha Diálogo Forum Seguransa Shangri-La.

### [Prezidente Repúblika Enkontru Ho Ministru Defeza Singapura Deskute Koopersaun Iha Defeza No Seguransa](#)

Singapura, 31 Maiu 2024. Prezidente J. Ramos-Horta hala'o sorumutu ho Ministru Defeza Singapura nian Dr. Ng Eng Hen ohin iha Hotel Shangri-La iha Singapura hodi diskute reforsu kooperasaun defeza no seguransa entre nasaun rua ne'e.

### [Prezidente Repúblika Halo Dialógu ho Futuru Lider ASEAN iha Singapura](#)

Singapura, 31 Maiu 2024. Prezidente J. Ramos-Horta halo diálogo ho lideransa foin-sa'e sira husi nasaun membru ASEAN sira iha forum Dialogu Shangri-La iha Singapura. Diálogo ne'e foka liu ba "Timor-Leste nia Kredensiál Demokratika no Aprosimsaun ba Rekonsiliaun Konflitu pasadu, Perspektiva sira kona-ba Krize Myanmar, no orientasaun ba futuru Lider ASEAN sira-nian wainhira evita disrupsaun iha Rejiaun."

**REMATA**

---